



MEMORIA

CONVENIO DE COLABORACIÓN EN MATERIA DE FORMACIÓN ENTRE A ACADEMIA GALEGA DE SEGURIDADE PÚBLICA E A DEPUTACIÓN PROVINCIAL DE OURENSE

Segundo establece a Lei 1/2007, do 15 de xaneiro, da Academia Galega de Seguridade Pública (en adiante AGASP), este centro é un organismo autónomo de carácter administrativo adscrito á Consellería competente en materia de interior e xustiza. Entre outros fins, a AGASP ten encomendada a función de organizar e impartir os cursos de formación continua, perfeccionamento e especialización dos membros dos corpos da Policía Local e Bombeiros, segundo establece o artigo 3 da referida Lei, que tamén prevé no seu artigo 5.2 a función de promover relacións de intercambio e colaboración, coas universidades e institucións de Galicia.

Conforme aos artigos 140 da Constitución Española e 31 da Lei 7/1985, do 2 de abril, reguladora das bases de réxime local, as provincias son entidades locais determinadas pola agrupación de concellos con personalidade xurídica propia e plena capacidade para o cumprimento dos seus fins, que teñen como competencias e funcións propias as de asegurar a prestación integral e adecuada, na totalidade do territorio provincial, dos servizos de competencia municipal, así como a participar na coordinación da Administración Local coa Comunidade Autónoma ou a do Estado, correspondendo o seu goberno e administración ás correspondentes Deputacións Provinciais.

Deste xeito, a formación e perfeccionamento profesional dos empregados públicos municipais e provinciais constitúe unha importante labor, que ven desenvolvendo a Deputación Provincial de





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO



ACADEMIA
GALEGA
DE SEGURIDADE
PÚBLICA

galicia

Ourense, e que abrangue tamén aos membros dos corpos da Policía Local e Bombeiros dos distintos concellos desta provincia.

Dada a existencia de colectivos comúns, aos que se dirixen algunhas das accións formativas de ámbalas dúas Institucións asinantes, cómpre ter en conta o principio de eficacia que debe presidir a actuación administrativa e que impón aos responsables políticos a optimización dos recursos, de tal xeito que permita acadar os obxectivos sinalados co menor custo posible, evitando ademais o solapamento de iniciativas e accións semellantes.

Tendo en conta as anteriores consideracións, ámbalas dúas partes, coincidindo en que a formación de Policía Local e Bombeiros é de común interese, presentan como obxectivo do acordo a mutua colaboración para organizar e impartir diferentes cursos ou xornadas de actualización e especialización dirixidos ao persoal ao servizo dos Corpos da Policía Local e de Bombeiros da provincia de Ourense.

Estes cursos versarán sobre temas que sexan de interese profesional para as Policía Local e Bombeiros, que supoñan unha mellora ou actualización para o desempeño das súas funcións, ou en todo caso, que permitan un reciclaxe necesario para acadar mais eficiencia no seu traballo. Poderán estar incluídos no plano anual da AGASP, como no plano anual de formación da Deputación de Ourense, ou tamén ser consensuados de común acordo cando así o aconsellen ou permitan as dispoñibilidades organizativas e presupostarías de cada institución asinante.

Deste xeito a AGASP pretende acercar a formación aos centros de traballo e de residencia dos solicitantes daquelas accións formativas que, tanto polos seus contidos como pola súa carga lectiva e horaria, non precisen necesariamente das instalacións e infraestruturas docentes da propia AGASP, podendo desenvolverse fóra da súa sede con igual ou semellante eficacia.

Este convenio non supón custe económico para á AGASP, a Deputación Provincial de Ourense faise cargo do pago dos docentes e demais custes derivados da formación.



Xacobeo 21-22





Así, en base o anteriormente mencionado e tendo en conta o esixido polo apartado segundo do artigo 15 da Lei 1/2016, de 18 de xaneiro, de transparencia e bo goberno, non é posible promover a concorrência pública polas especiais características das actividades a desenvolver.

De acordo co exposto con anterioridade e de acordo co establecido na Lei 40/2015, do réxime do sector público, solicítase a esa Asesoría Xurídica o preceptivo informe para proceder a sinatura deste convenio.

A Estrada, asinado dixitalmente

O director xeral da AGASP

Santiago Villanueva Álvarez

